

ଥେସଲନୀୟ ବିଶ୍ୱାସୀମାନଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର **ଥେସଲନୀୟ ବିଶ୍ୱାସୀଡ଼୍.ଗାର୍** **ପାଉଲ୍‌ଙ୍କ ପ୍ରଥମ ଚିଠି** **୧ ଥେସଲନୀୟ ବିଷୟରେ ଅଣ୍ଟୟ ପଦ୍**

ପ୍ରଥମ ଥେସଲନୀୟ ପ୍ରେରିତ ପାଉଲ୍‌ଙ୍କ ଲେଖକତା ଆସ୍‌ମାତ୍‌ରେ ୧-୧ । ଇଦ୍ ଆସ୍‌ମାନ୍‌ରେ ପାଉଲ୍‌ଙ୍କ ଫୁନେଡ଼ି ଚିଠି ଲେଖକତା ଆସ୍‌ମାତ୍‌ରେ ନୁ ଆଦ୍ ବାଉଲ୍‌ତାଗ୍ ଝେରଡ଼୍ ଗର୍ ଆଡ଼ରେ । ଇଦ୍ ଜିସୁ କ୍ରିଷ୍ଟନ୍ ଜନମ୍‌ରେ ଗାର୍‌ରେ ୫୧ ଏଣ୍ଟକ୍ ପେରକେ ଲେଖକତା ଆସ୍‌ମାନ୍‌ରେ । ପାଉଲ୍ ବେସୁର୍ ଥେସଲନିକିୟ ମଣ୍ଡଲିତିଙ୍କ ଚିଠି ଲେଖକତା, ଆସୁଟେ ଅଣ୍ଟ କରନ୍ତି ମଣ୍ଡଲିତାଗ୍ ମାଡ଼ତଣ୍ଟ । ବେନ୍ ମଣ୍ଡଲିକି ଅଣ୍ଟ ଦ୍ୱିତିୟ ମିଶନାରି ଆଦ୍‌ଦାନ୍ ଝେଲେ ଆଦ୍ ମଣ୍ଡଲି ନିଲ୍‌ସ୍ତି ମାଡ଼ତଣ୍ଟ ପ୍ରେରିତ ୧୭:୧-୧୦ । ଇଦ୍ ପ୍ରେରିତ ବଇତାଗ୍ କେଡିତଡ଼୍, ଯେ, ଇଦ୍ ବେସ୍‌କ୍‌ଡ଼୍, ଯିହୁଦୀ ନୁ ନାର୍‌ଗେ ଗ୍ରୀକ୍ ଗର୍‌ରେ କେସମାନ୍‌ଦାନ୍ ନାରୁଡ଼୍‌ତଡ଼୍, ତିୟାର୍ ଆସ୍‌ମାତ୍‌ରେ ।

ପାଉଲ୍ ମଣ୍ଡଲି ନିଲ୍‌ସ୍ତିରେ ପେରକେ ଅଣ୍ଟ ନାର୍‌ଗେ ଦିନା ଥେସଲନିୟତାଗ୍ ମାନ୍‌ଦାନଙ୍କ ପାର୍‌ଝଣ୍ଟ । ଆଦିଙ୍କ ମାଡ଼େଙ୍କ୍ ଆଗେ ମାନ୍‌ଦାନ୍ ବିଶ୍ୱାସୀଡ଼୍‌କିଙ୍କ୍ ସାହାସ୍ ଇଦାନଙ୍କ୍ ଅଣ୍ଟ ଇଦ୍ ଚିଠି ରଅତଣ୍ଟ । ଝେରଣ୍ଟ କ୍ରିଷ୍ଟିୟାନ୍ ବେଲା ବାଦ୍‌କାନଙ୍କ୍ ଆଦ୍‌ରେ, ଇଦ୍ ଚିଠିତାଗ୍ ନାର୍‌ଗେ ବିଷୟ ନୁ ବାଡ଼ବାଡ଼ ସାଦାରନ୍ ନିର୍ଦ୍ଦେଶନା ମିନ୍ଦେ । ପାଉଲ୍ ବେସ୍‌ନାଗ୍ ଦ୍ୱିତୀୟଦାମ୍ ଝାଦାନ୍ ବିଷୟରେ ମନ୍ ଇଡ଼ତନ୍ । ଆଦ୍‌ପାର୍‌ଦ୍‌ରେ ଥେସଲନିୟ ମଣ୍ଡଲିରେ ବିଶ୍ୱାସୀଡ଼୍, ସ୍ୱତନ୍ତ୍ର ଲେକାମ୍ ଇଦ୍ ବିଷୟରେ ତିଆରରେ ମାଡ଼ତଡ଼୍ । ପାଉଲ୍ ଦ୍ୱିତୀୟଦାମ୍ ଝାଦାନ୍ ବିଷୟରେ କେସ୍ ବେଲା ଇଶ୍‌ରତିଙ୍କ୍ ସାର୍‌ଦେ ମାଡ଼ାନ୍ ଲେକାମ୍ ବାଦ୍‌କାନ୍ ସେଜେ ଝାଦାନ୍ ଇଡ଼ତଣ୍ଟ । ୫:୬-୮

ବଇଡ଼ ଲୋପେ ମାନ୍‌ଦାନ୍ ବିଷୟ

୧. ପାଉଲ୍ ମଣ୍ଡଲିତିଙ୍କ ନମସ୍କାର ମାଡ଼ି ନୁ ଇଶ୍ବରତିଙ୍କ ଦନ୍ୟବାଦ
ଇସ୍ ଇସ୍ ଚିଟି ଆରାମ୍ ମାଡ଼ତଣ୍ଡ । ୧:୧-୧୦
୨. ପେରକେ ଅଣ୍ଡ ତିମତି ତାସମାନ୍ଦାନ୍ କାବୁର ନୁ ଅନ୍ ପାଡ଼ନ୍ତି
ବିଷୟତେ ବୁଜାମାଡ଼ତଣ୍ଡ । ୨; ୩
୩. ପାଉଲ୍ ନିର୍ଦ୍ଦେଶନା ଇସ୍ତଣ୍ଡ ଯେ, କ୍ରିଷ୍ଟିୟାନ୍ ନାରୁଡ଼୍ ଜିସୁ
କ୍ରିଷ୍ଟନ୍ ଦ୍ବିତୀୟଦାମ୍ ଖାଦାନ୍ ଖେସ୍ତତ୍ ବେଲା ବାଦକାନଡ଼ାଦ୍
ସାୟେ । ୪:୧-୫:୧୫
୪. ପାଉଲ୍ ମେଣ୍ଡଅନ୍ଦାମ୍ ମଣ୍ଡଲିତିଙ୍କ ନମସ୍କାର ମାଡ଼ତଣ୍ଡ ନୁ
ଅଡ଼କିଂଙ୍କ ନିଜାମ୍ ଲେକେ ଚିଟି କାର୍ତ୍ତାନଙ୍କ କେସ୍ ତେରସ୍ତିତଣ୍ଡ
। ୫:୧୭-୨୮

୧ ☆ନାନ୍ ପାଉଲ୍, ସିଲାନ ନୁ ତୀମତିନ୍ ପାକେ ଥେସଲନିକୀ ତାଗ୍
ମାନ୍ଦାନ୍ ବାବାଲ୍ ଇଶ୍ବର ନୁ ପ୍ରବୁ ଜିସୁ କ୍ରିଷ୍ଟନ୍ ବିଶ୍ବାସୀ ମଣ୍ଡଲିତା ଇସ୍
ଚିଟି । ବାବାଲ୍ ଇଶ୍ବର ନୁ ପ୍ରବୁ କ୍ରିଷ୍ଟନ୍ ସୁକାମ୍ତେ ନୁ ସାୟେ ମିଇ
ପରର ଆୟି ।

ଥେସଲନିୟତ୍ ବିଶ୍ବାସ୍ ସେଙ୍ଗେ ଦନ୍ୟବାଦ୍

୨ ମାମ୍ମେ ସାରେଦିନା ମିଇ ସାରେତଡ଼୍, ସେଙ୍ଗେ ଇଶ୍ବରତିଙ୍କ
ଦନ୍ୟବାଦ୍ ଇସମାନ୍ତମ୍ ନୁ ମାମ୍ମେ ପ୍ରାର୍ଥନାତାଗ୍ ମିଇ ବିଷୟତେ
ସାରେଦାମ୍ କେସମାନ୍ତମ୍ ।

୩ ମାମ୍ମେ ବାବାନ୍ ଇଶ୍ବରତେ ପାକେ ଏକା ମାଡ଼ମାନ୍ତମ୍,
ବେଲାନ୍ ମିଡ଼୍ ନିଜେଡ଼୍ ବିଶ୍ବାସ୍ତିଙ୍କ ପାଡ଼ିୟିଦାଗ୍ ମାଡ଼ତୁମ୍, ପ୍ରେମତେ
ମାଡ଼ି ବେଲାନ୍ ତିପାଲ୍ତେ ମାଡ଼ତୁଡ଼୍ ନୁ ମାମ୍ମେ ବେଲାନ୍ ଡ଼ାବ୍ତୁମ୍
।

୪ ଦାଦାନଡ଼ି ନୁ ଏଲାସ୍ ! ମାମ୍ମେ ପୁଡ଼ତମ୍ ଯେ, ଇଶ୍ବର ମିକିଂଙ୍କ
ପ୍ରେମ ମାଡ଼ତୁ ନୁ ତାନ୍ ନାରୁନ୍ ଆଦାନ୍ ସେଙ୍ଗେ ମିକିଂଙ୍କ ହେଞ୍ଜିମିନ୍ଦେନ୍
।

୫ ମାତର୍ ବାକ୍ୟତେ ଆୟ୍ୟ, ପବିତ୍ରଆମ୍ ଲାଞ୍ଜୁ ତଡ଼୍,
ସୁସମାଚାରତେ ସତ୍ୟତେ ଲେକେଡ଼୍ ମାଡ଼ି ମାମ୍ମେ ଆଦ୍ ମିଇ ପାକେ
କେତୁତମ୍ । ମିଡ଼୍ ପୁଡ଼ତିଡ଼୍, ମିଇ ତଡ଼୍ ମାନ୍ଦାନ୍ ଖେଲେ ମାମ୍ମେ
ବେଦ୍ଲେକାମ୍ ଲେକେଡ଼୍ ଜିଞ୍ଜୁନ୍ତେ ମାଡ଼ତମ୍; ବେଦ୍ଲେକାମ୍
ମିୟାଦ୍ ସାୟେ ମା ଜିଞ୍ଜୁନ୍ତେ ଆଶେ ମାଡ଼ତେ ।

୭ ☆ମିତ୍, ମାକିଂଙ୍କୁ ନୁ ମାମ୍ମେ ପ୍ରଭୁଙ୍କ ପେରକେ ଆଦତିଡ଼, ନୁ ଗାଟି ତିପାଲ୍ ଆଦାନ୍ ଗାଲେ ପବିତ୍ରଆମ୍ ତାଗାଙ୍କୁ ଲେକେଡ଼ ଖେଡ଼କେତେ ଆଦ୍ ସୁସମାଚାର କେତାନାଦ୍ କେଞ୍ଜିଡିଡ଼ ।

୭ ଇଦ୍‌ଲେକାମ୍ ମିତ୍, ମାସିଦୋନିଆ ନୁ ଆକାୟା ତାଗ୍ ମାନ୍ଦେନଡ଼, ସାରେ ବିଶ୍ୱାସିଡ଼, ସେଙ୍ଗେ ଲେକେଡ଼ତୋଡ଼ି ଆସ୍‌ମାଡିଡ଼ ।

୮ ମିୟାଗାଙ୍କୁ ଯେ ମାତର ପ୍ରଭୁନ୍ କେଡ଼ତେ ଗର୍ ମାସିଦୋନିଆ ନୁ ଆକାୟାତେ ସାରେପାକେ ଆସ୍‌ମାଡ଼ତେ, ଆଦ୍ ଆୟ୍‌ୟ, ମାତର୍ ଇଶ୍ୱରତେ ସେଙ୍ଗେ ମିୟାଦ୍ ବିଶ୍ୱାସ୍‌ତେ ବିଷୟ ସାରେପାକେ ଇଦ୍‌ଲେକାମ୍ ଆସ୍‌ମିନ୍ଦେ, ତାନ୍ ମୁନେ ବାଡ଼ କେତାନାଦ୍ ଇଲ୍‌ଲେ ।

୯ ମାମ୍ମେ ମିଇ ପାକେ ଝାଦାନ୍ ଝେଲେ ମିଡ଼, ବେଲାନ୍ ମାକିଂଙ୍କୁ ସାର୍‌ଦେତେ ଆସ୍ ମାଡ଼ତିଡ଼, ନୁ ସାରେ ପୁଡ଼ଲ୍‌ମା ପୁଜେ ଝିଡ଼ି ସଡ଼ ନୁ ଜିଝେମାନ୍ଦାନ୍ ଇଶ୍ୱରତେ ଉପବାସ୍ ମାଡ଼ାଙ୍କୁ ମୁନେ ଝାଡ଼ତିଡ଼;

୧୦ ମେଣ୍ଟେ ବେଲାନ୍ ଇଶ୍ୱରତେ କପାମ୍‌ତାଗାଙ୍କୁ ମାନ୍‌ନାଅଙ୍କୁ ଗେଲ୍‌ସ୍ତା ସେଙ୍ଗେ, ଡଲ୍‌ତାଗାଙ୍କୁ ପୁନରୁଡ଼ତାନ୍ ଅନାଦ୍ ମାର୍ ଜିସୁ ସ୍ୱର୍ଗତାଗାଙ୍କୁ ଝାଦାନ୍ ଝେଲେ କେପି ମାନ୍‌ନୁଟ୍, ଇଝୁସାରେ ବିଷୟତେ ଆଗେଡ଼ ନାରୁଡ଼, ଗଟି ତିର୍‌ୟମିନ୍ଦେଡ଼ ।

୨

ଥେସଲନିତାଗ୍ ପାଉଲ୍‌ତେ ପାଡ଼ିୟି

୧ ହୋ ଦାଦାନଡ଼ି ନୁ ଏଲ୍‌ଲ୍‌ୟା ! ମିଡ଼, ନିଜେ ପୁଡ଼ତିଡ଼, ଯେ, ମିଇ ପାକେ ମାୟାଦ୍ ଝାଦାନାଦ୍ ବ୍ୟର୍ତ୍ତ ଆୟ୍‌ୟ ।

୨ ☆ଥେସଲନିତାଗ୍ ମିଇ ପାକେ ଝାଦାନ୍ ମୁନେ ଫିଲିପୀତାଗ୍ ମା ସେଙ୍ଗେ ବେଦ୍‌ଲେକାମ୍ ତିପାଲ୍ ନୁ କାରାପ୍ ପାଡ଼ିୟି ମାଡ଼ମାଡ଼ତଡ଼, ଆଦ୍ ମିଡ଼, ପୁଡ଼ତିଡ଼ । ଇଶ୍ୱରତାଗାଙ୍କୁ ଦକ୍ ମାନ୍‌ଦାନ୍ ସୁସମାଚାର୍ ମିକିଂଙ୍କୁ କେଞ୍ଜିପାଙ୍କୁ ସେଙ୍ଗେ ଅଣ୍ଟ୍ ମାନ୍‌ନାଙ୍କୁ ଗଠି ଇସ୍‌ମାଡ଼ତନ୍ ।

୩ ବାତେବା କାରାପ୍ ବା ପିନ୍ ଲେକାମ୍ ଆସ୍ ମାମ୍ମେ ମିଇ ପାକେ ମାୟାଦ୍ ମାଟେ କେଲ୍‌ଖେ ମାଡ଼ତମ୍, ମିକିଂଙ୍କୁ ଟକାମାଡ଼ାଙ୍କୁ ବାତେବା କାରାପ୍ ଚିନ୍ତେ ମାଡ଼ମ୍ ।

୪ ବାତେଙ୍କିକ୍‌କେ ଇଶ୍ବରତେ ଇଚ୍ଛା ଲେକାମ୍ ଗଟ୍ ମାମ୍‌ମେ ସାରେଦାମ୍ କେତିତମ୍; ଅଣ୍ଟ ମାକିଂଙ୍କ୍ ସାୟେ ଏକା ମାଡ଼ି ମା ପରର ସୁସମାଚାର ପ୍ରଚାରତେ ଦାୟିତ୍ବ ଝିଡ଼ସିଡ଼ତନ୍ । ନାରୁଡ଼କିଂଙ୍କ୍ ଶାନ୍ତି ମାଡ଼ାନାଦ୍ ମାୟାଦ୍ ପାଡ଼ୁୟି ଆୟୁୟ । ବେନ୍ ଇଶ୍ବର ମାନ୍ ମନ୍‌ତେ ସାରେ ପରିକ୍ଷା ମାଡ଼ି ଉଡ଼ିତନ୍, ମାତର୍ ଅଂକିଙ୍କ୍ ଶାନ୍ତି ମାଡ଼ାନ୍ ସେଙ୍ଗେ ମାୟାଦ୍ ଇଚ୍ଛା ।

୫ ମିଡ଼୍ ସାୟେ ପୁଡ଼ତିଡ଼୍ ଯେ, ମାମ୍‌ମେ କାରାପ୍ ଗଟି କେସ୍ ମିଇ ବକେଡ଼୍ ଖାଡ଼ମ୍ ବା ଆଶେତଡ଼୍ ମିଇ ପାକେଙ୍କ୍ ତଲ ବ୍ୟବହାର୍ ମାଡ଼ୁଖେ ମାଡ଼ତମ୍, ଇଦ୍ ବିଷୟତେ ଇଶ୍ବର ମା ସାକ୍ଷି ।

୬ ମାମ୍‌ମେ ବେନଡ଼ାଗାଙ୍କ୍ ସମ୍ମାନ୍ ପାଏମ୍ ଆଦଦାନ୍ ସେଙ୍ଗେ ଇଚ୍ଛା ମାଡ଼ୁଖେ ମାଡ଼ତମ୍ । ମିୟାଗାଙ୍କ୍ ବା ବାଗାଡ଼ ନାରୁଡ଼ାଗାଙ୍କ୍ ମାମ୍‌ମେ ଆଶେ ମାଡ଼ୁଖେ ମାଡ଼ତମ୍,

୭ ଯଦି କ୍ରିଷ୍ଟନ୍ ପ୍ରେରିଡ଼ ଶିଷ୍ୟତ୍ ଲେକାମ୍ ମାମ୍‌ମେ ମିୟାଗାଙ୍କ୍ ଆଦ୍ ଦାବୀ ମାଡ଼େ ପାର୍‌ଖେମ୍, ବାତେଙ୍କ୍ ଇଡ଼କେ ଯାୟ ବେଦ୍‌ଲେକାମ୍ ନିଜେଡ଼ ପିଲାଙ୍କ୍ ଯତନ୍ ଆଦତେ, ମିଇ ପାକେ ମାନ୍‌ଦାନ୍ ଝେଲେ ମାମ୍‌ମେ ମିଇ ସେଙ୍ଗେ ଆଦେଲେକାମ୍ ଲେକେଡ଼ ବ୍ୟବହାର୍ ମାଡ଼ିମାଡ଼ତମ୍ ।

୮ ମିଇ ସେଙ୍ଗେ ମାୟାଦ୍ ପ୍ରେମ ମାନ୍‌ନାଙ୍କ୍ ମାମ୍‌ମେ ଆଦ୍‌ଲେକାମ୍ ମିକିଂଙ୍କ୍ ଇଶ୍ବରତେ ସୁସମାଚାର କାଲ୍‌ପୁଖେ ମାଡ଼ତମ୍, ନିଜେଡ଼ ନିଜେଡ଼ ଜିଝୁନ୍ ହିଦାଙ୍କ୍ ତିୟାର୍ ମାଡ଼ତମ୍ । ମିଡ଼୍ ମା ଲେକେଡ଼ ସାଙ୍ଗ୍ ମାଡ଼ତିଡ଼୍ ।

୯ ହୋ ଦାଦାନଡ଼ି ନୁ ଏଲାସ୍, ମିୟାଦ୍ ନିଜାମ୍ ହେକା ମାନ୍‌ତେ; ମାନାଡ଼୍ ବେଲାନ୍ ଗାଟି ତିପାଲ୍‌ତେ ସ୍ବାକାର୍ ମାଡ଼ି ପାଡ଼ୁୟି ମାଡ଼ମାଡ଼ତମ୍; ବେଲାନ୍ ମିଇ ପାକେ ଇଶ୍ବରତେ ସୁସମାଚାର ପ୍ରଚାର୍ ମାଡ଼ାନ୍ ଝେଲେ ମିଇ ପରର ବୋଜ୍ ଆୟୁମାକି ହିଞ୍ଜ ମାମ୍‌ମେ ନାର୍‌କେଡ଼ ପାୟାଲ୍ ତିପାଲ୍ ମାଡ଼ିମାଡ଼ତମ୍ ।

୧୦ ମିଡ଼୍ ନୁ ନିଜେ ଇଶ୍ବର ମାନ୍ ସାକ୍ଷି ମିଇ ଲେକାମ୍ ବିଶ୍ବାସିନଡ଼୍ ପାକେ ମାୟାଦ୍ ବ୍ୟବହାର୍ ନିର୍ମଲ୍, ନ୍ୟାୟସଙ୍ଗାତେ ନୁ ନିର୍ଦୋଷ୍ ମାଡ଼ତା ।

୧୧ ମିଡ଼୍ ପୁଡ଼ତିଡ଼୍, ବାବାଲ୍ ବେଲାନ୍ ନିଜେଡ଼ ପିଲାନ୍ ସେଙ୍ଗେ ବ୍ୟବହାର୍ ମାଡ଼ାନ୍ ମାଡ଼ତେ, ମାମ୍‌ମେ ମିଇସେଙ୍ଗେ ଟିକ୍

ଆଦେଲେକାମ୍ ବ୍ୟବହାର ମାଡ଼ିମାଡ଼ତମ୍ ।

୧୭ ମାମ୍ମୋ ମିକିଂଙ୍କ ଉତ୍ସାହିତ ମାଡ଼ିମାଡ଼ତମ୍, ସାନ୍ତନା ଇସ୍ ମାଡ଼ତମ୍, ମୋଣ୍ଟେ ମାଈଡ଼ ବେଲାନ ଇଶ୍ବରତେ ଯୋଗ୍ୟ ଆଚରନ୍ ମାଡ଼ାନ ମାୟଦିଙ୍କ କେସ୍ ମାଡ଼ତଣ୍ ।

୧୮ ମାନାଡ଼ ବାଡ଼ତିଙ୍କ ସାରେଦାମ୍ ଇଶ୍ବରତିଙ୍କ ଦନ୍ୟବାଦ୍ ହିସମାନତାଡ଼ ଆଦିନ୍ ମୋଣ୍ଟନ୍ କାରନ୍ ମିନ୍ତେ । ମାମ୍ମୋ ବେସୁଙ୍କ ମିଇ ପାକେ ଇଶ୍ବରତେ ସଡ଼ କାରୁର୍ ତାସ୍ମାଡ଼ତମ୍, ମିଡ଼ ଆଦ୍ ନାରୁନ୍ କାରୁର୍ ହିଞ୍ଜ ହେର୍ଜା ମାଡ଼କର୍, ଇଶ୍ବରତେ କାରୁର୍ ହିନା କେଞ୍ଜିଡ଼, ନୁ ଗ୍ରହନ୍ ମାଡ଼ତିଡ଼ । ମୁନେଙ୍କ କଞ୍ଜ ଆଦ୍ ଇଶ୍ବରତେ କାରୁର୍ ନୁ ମିଇ ଲେକାମ୍ ବିଶ୍ବାସୀନଡ଼ ମନ୍ଦାଗ୍ ଆଦ୍ ଗେଲ୍ସି ମାନ୍ତେ ।

୧୯ ☆ହୋ ଦାଦାନଡ଼ି ନୁ ଏଲ୍ଲାସ୍, ମିଡ଼ ଯିହୁଦା ଦେଶ୍ତାଗ୍ ମାନ୍ଦାନ୍ କ୍ରିଷ୍ଟ ଜିସୁନାଗ୍ ପରମେଶ୍ବର ମଣ୍ଡଲିତେ ନାରୁଡ଼ ସେଙ୍ଗେ ବାଡ଼ ଗଟେମ୍ ହାସ୍ମିନ୍ତେ । ଯିହୁଦା ପରମେଶ୍ବରତେ ନାରୁଡ଼ ବାଗାଡ଼ ଯିହୁଦିନଡ଼ାଗ୍ ଦୁଃକାମ୍ କଷ୍ଟ ଆସ୍ମିନ୍ତେ । ମିଡ଼ ନିଜେଡ଼ ଦେଶ୍ତେ ନାରୁଡ଼ାଗାଙ୍କ ମିକା ଆଦେଲେକାମ୍ ଦୁଃକାମ୍ କଷ୍ଟ ଦରକିଡ଼ ।

୨୦ ☆ଆଦ୍ ଯିହୁଦିନଡ଼ ପ୍ରବୁ ଜିସୁଙ୍କ ନୁ ବାବବାଦୀନଡ଼କ୍ ଆସ୍ତ୍ରୁକି ମାଡ଼ତଡ଼, ନୁ ମାନ୍ ମିକା ଆଦେଲେକାମ୍ ତାଡ଼ନା ମାଡ଼ିତଡ଼ । ଅଡ଼ ସେଙ୍ଗେ ଇଶ୍ବର ବେସର୍ ଅସନ୍ତୁଷ୍ଟ ! ସାରେ ନାରୁଡ଼ତେ ଅଡ଼ ଶତ୍ରୁଡ଼ ।

୨୧ ଇଦ୍ ରକମ୍ କି ବେନ୍ ସୁସମାତାର ପ୍ରଚାର ତଡ଼ ଅଣଯିହୁଦୀଡ଼ାଦ୍ ପରିତ୍ରାଣ ଆଦ୍ପାରତେ, ଆଗାଙ୍କ ଅଡ଼ ମାନ୍ ନିବୃତ ମାଡ଼ାନଙ୍କ ଆଲ୍ସି ମାଡ଼ତୁଡ଼ । ଇଦ୍ ରକମ୍ ଅଡ଼ ଅନବରତ ମାଡ଼ମାନ୍ଦାନ୍ ପାପ୍ ମାଡ଼ର୍ ଚରମ୍ ସୀମାତାଗ୍ ଖାସ୍ ଏସ୍ତୁଡ଼ତେ । ସାରେ ମାଡ଼େଙ୍କ୍ ଅଡ଼ ବିରୁଦ୍ତେ ଇଶ୍ବରତେ କପାମ୍ ନାର୍ଗେ ଆଡ଼ତେ ।

ମୋଣ୍ଟେ ଆଦାନ ସେଙ୍ଗେ ପାଉଲ୍ତେ ଇଚ୍ଛା

୨୨ ହୋ ଦାଦାନଡ଼ି ନୁ ଏଲ୍ଲାସ୍, ମାମ୍ମୋ ହୃଦୟତାଗ୍ ଆୟ୍ୟ, ମାଡ଼ର୍ ମୋନ୍ତୁଲ୍ ତାଗାଙ୍କ୍ ସୁଦୁର୍ ଦିନାମ୍ ସେଙ୍ଗେ ମିୟାଗାଙ୍କ୍ ଯେକା ମାଡ଼ତମ୍, ମିଇ ମୋକମ୍ ଉଡ଼ାନ ସେଙ୍ଗେ ଅଦିକ୍ ଇଚ୍ଛା ମାଡ଼ତୁମ୍ ।

☆ ୨:୧୪ ପ୍ରେରିତ ୧୭:୫.

☆ ୨:୧୫ ପ୍ରେରିତ ୯:୨୩,୨୯; ୧୩:୪୫,୫୦; ୧୪:୨,୫,୧୯; ୧୭:୫,୧୩; ୧୮:୧୭.

୧୮ ଆଦିଙ୍କ ମିତ୍ରାଗାଙ୍କ ମାଲ୍‌ସ୍ ଆଦାନ ସେଙ୍ଗେ ଅଣ୍ଟାୟଦାମ୍ ଆଲ୍‌ସି ମାଡ଼ତାନ, ନାନ୍ ନିଜେ ପାଉଲ୍ ମାଲ୍‌ସ୍ ଆଦାନ ସେଙ୍ଗେ ନାଗେଦାମ୍ ଆଲ୍‌ସି ମାଡ଼ମାଡ଼ତାନ, ବାତେଙ୍କ ଇଡ଼କେ ଶୟତାନ ମାନ୍ ଇଗାଙ୍କ ଆଡ଼ାମ୍ ଆଡ଼ତେ ।

୧୯ ଆଦ ବାଡ଼ଆଇ, ନାୟାଦ୍ ବିଶ୍ୱାସ, ମାନ୍ ପ୍ରବୁ ଜିସୁ ଖାଦାନ ଖେଲେ ଅନ୍ ମୁନେ ବାଗାତଡ଼୍‌ଲେକାମ୍ ମାଇଡ଼୍‌ମିକା ମାୟାଦ୍ ଆଗେ, ଖେଡ଼କ୍ ନୁ ଗର୍ବ ମାଡ଼ନାଦ୍ ସହଜ୍ ବାତେଙ୍କ ଆଡ଼ତେ ।

୨୦ ନିଜାମ୍ ମିଡ଼୍‌ମାନ୍ ଗୌରବ୍ ନୁ ଖେଡ଼କା ।

୩

୧ ☆ତେରତେ ପେରକେ ମାମ୍‌ମେ ମେଣ୍ଡେ ସାରେ ମାଡ଼ଖେ ପାର୍‌ଝକଟ୍ ତିଆର୍ ମାଡ଼ତମ୍ ଯେ, ମାମ୍‌ମେ ପେରକେ ଆଥେନ୍‌ସତାଗ୍ ଖେରଖେର ବାଦକିତମ୍,

୨ ବାତେଙ୍କ ଇଡ଼କେ ନିକିଂଙ୍କ ଡୁଟାଙ୍ଗ୍ ମାଡ଼ାନଙ୍କ ନୁ ନିୟାଦ୍ ବିଶ୍ୱାସ୍ ଡୁଟାଙ୍ଗ୍ ମାଡ଼ାନ ସେଙ୍ଗେ ମିଇ ପାକେ ନା ତାମୁଙ୍କ୍ ତୀମତିଙ୍କ୍ ରହତିତାନ । ଅଣ୍ଟା ମା ତଡ଼୍‌କ୍ରିଷ୍ଟନ୍‌ତଡ଼୍‌ଲେକେଡ଼ କାବୁର୍ ପ୍ରଚାର୍ ମାଡ଼ି ଇଶ୍ୱରତେ ସେବା ମାଡ଼ତାନ ।

୩ ମିଇ ପରର୍ ଆସମାୟାନ୍ ତାଡ଼ନା ସେଙ୍ଗେ ବେନ ବେଲା ଆରବୁଲ୍‌କା ଆୟମାକିଣ୍ଡ, ଆଦିନ୍ ସେଙ୍ଗେ ମିକିଂଙ୍କ୍ ସାହାୟ୍ୟ ମାଡ଼ିତନ୍ । ନିଜାମ୍ ମିଡ଼୍‌ପୁଡ଼ିଡ଼୍‌ମାମ୍‌ମେ ଇଦ୍ ରକମ୍ ଆଦିତାଡ଼, ଇଦ୍ ଇଶ୍ୱରତେ ଇଚ୍ଛା ।

୪ ମିଇ ତଡ଼୍ ମାୟାନ୍ ଖେଲେ, ମାମ୍‌ମେ ନାରଗେ ମୁନେଙ୍କ୍ କେସମାଡ଼ତମ୍, ମାନ୍ ଗାଟି କଷ୍ଟ ଆଦାଙ୍କ୍ ଆଡ଼ତେ, ହିଞ୍ଜେ ମିଡ଼୍‌ପୁଡ଼ିଡ଼୍‌ଟିକ୍ ଆଦେ କେ ଗଟେମ୍ ଆଡ଼ତେ ।

୫ ଆଦିଙ୍କ୍ ତୀମତିଙ୍କ୍ ରଡ଼ତାନ । ନାନ୍ ମେଣ୍ଡେ ସଡ଼୍ ଆସମାୟେ ପାର୍‌ଜନ୍ । ମିଡ଼୍‌ନିଜେ ବିଶ୍ୱାସ୍‌ତେ ମିନ୍ଦେଡ଼ି କି ଇଲେ, ପୁନ୍ଦାନ୍ ସେଙ୍ଗେ ନାନ୍ ଅଂକିଙ୍କ୍ ରଡ଼ତାନ । ଶୟତାନ୍ ମିକିଂଙ୍କ୍ ପ୍ରଲୋବିଡ଼୍ ମାଡ଼ିମାନ୍ତେ ନୁ ମାନାଦ୍ ସାରେ ପାଡ଼ିୟି ଆଙ୍ଗଡ଼ାମ୍ ଆସମାନ୍ତେ ? ଇଲେ ହିଦ୍ ବେସୁଙ୍କ୍ ନିଜାମ୍ ଆୟୟ ।

୭ ✧ ବାତେଙ୍କୁ ଇଡ଼କେ ହିଞ୍ଜେ ତୀମତି ମିୟାଗାଙ୍କୁ ମାଲ୍‌ସ୍ ମା ପାକେ
 ଝାସ୍, ମିୟାଦ୍ ବିଶ୍ୱାସ୍ ନୁ ପ୍ରେମ ବିଷୟତେ କେସ୍‌ମିନ୍ଦେନ୍, ମାମ୍‌ମେ
 ବେଦଲେକାମ୍ ମିକିଂଙ୍କୁ ଉଡ଼ାନଙ୍କୁ ଇଛା ମାଡ଼ତୁମ୍, ଆଦେଲେକାମ୍
 ମିଡ଼୍‌ମାକିଂଙ୍କୁ ସାରେଦିନା ହେର୍ଜାତାଗ୍ ନେହେସ୍ ମାକିଂଙ୍କୁ ଉଡ଼ାଙ୍କୁ ଇଛା
 ମାଡ଼ାଟ୍, ହିଦ୍ ବିଷୟତେ ମାକିଂଙ୍କୁ ଲେକେଡ଼ କାରୁର୍ ଇସ୍‌ମିନ୍ଦେନ୍;

୮ ଆଦିଙ୍କୁ ଦାଦାନଡ଼ି ନୁ ଏଲ୍‌ୟାସ୍, ମାୟାଦ୍ ସାରେ ଅସୁବିଦା
 ନୁ ତିପାଲ୍ ଆଦାନ୍ ଝେଲେ ମାମ୍‌ମେ ମିଇ ସେଙ୍ଗେ ଉସ୍ତାହିତ
 ଅବୁତମ୍ । ମିୟାଦ୍ ଗାଡ଼ସ୍ ବିଶ୍ୱାସିକେ ମାକିଂଙ୍କୁ ପ୍ରକୃତ୍‌ତେ ଜିଝେମାଡ଼ି
 ନେହେଡ଼ତେ ।

୯ ଇଞ୍ଜେ ମାମ୍‌ମେ ପୁଡ଼ତମ୍ ଯେ, ମିଡ଼୍ ଡୁଟାଙ୍‌ତେ ପ୍ରବୁନ୍‌ତଡ଼୍
 କାଈଲି ମିକା ବାଦ୍‌କୁତାଡ଼୍ ।

୧୦ ଇଞ୍ଜେ ମିଇ ସେଙ୍ଗେ ମାମ୍‌ମେ ବେନ୍ ଲେକେଡ଼ ନାରଗେ ଝେଡ଼କ୍
 ମାଡ଼ତୁମ୍, ଆଦିନ୍ ସାରେଦାନ୍ ଲେକାମ୍ ଇଶ୍ୱରତିଙ୍ଗ୍ ବେଲାନ୍
 ଦନ୍‌ୟବାଦ୍ ହିଦ୍‌ତମ୍, ଆଦ୍ ପୁନ୍‌ୟାନ୍ ପାର୍‌ଝମ୍ ।

୧୧ ମିକିଂଙ୍କୁ କାୟାଲି ମିଇ ବିଶ୍ୱାସ୍‌ତାଗ୍ ବାତେଏ ଅବାବ୍ ମିନ୍ଦେ, ଆଦ୍
 ସାରେ ମାଡ଼ାନ୍ ସେଙ୍ଗେ ମାକିଂଙ୍କୁ ସୁଯୋଗ୍ ଇଦାନଙ୍କୁ ନାର୍‌କେପାୟାଲ୍
 ଇଶ୍ୱରତିଙ୍ଗ୍ ପ୍ରାର୍ତନା ମାଡ଼ତୁମ୍ ।

୧୨ ମିଇ ପାକେ ଝାଦାନ୍ ସେଙ୍ଗେ ମା ବାବାଲ୍ ଇଶ୍ୱର୍ ନୁ ପ୍ରବୁ ଜିସୁ
 ମାନ୍ ଆର୍ ତିଆର୍ ମାଡ଼ିଞ୍ଜିନ୍ ।

୧୩ ମିଇ ସେଙ୍ଗେ ମାୟାଦ୍ ପ୍ରେମ ବେଲା ଗାଟି ମିନ୍ଦେ, ଆଦ୍
 ଲେକାମ୍ ନିଜର୍‌ନିଜର୍ ଲୋପେ ନୁ ବାଗାଡ଼ ନାରୁଡ଼୍, ସେଙ୍ଗେ ପ୍ରବୁ
 ମିୟାଦ୍ ପ୍ରେମ ପେରସ୍ତି ନାରଗେ ମାଡ଼ିଶ୍ ।

୧୪ ଇଦ୍ ଲେକାମ୍ ଅଶ୍ ମିକିଂଙ୍କୁ ଡୁଟ୍‌ଟାଙ୍ଗ୍ ମାଡ଼ିତନ୍ । ଆଲେକେ,
 ମାନ୍ ପ୍ରବୁ ଜିସୁ ବେସୁଙ୍କୁ ଦାର୍ମାମ୍ ନାରୁଡ଼୍ ଲୋପେ ମାଲ୍‌ସ୍ ଝାଦତଶ୍,
 ଆସୁଙ୍କୁ ମିଡ଼୍ ବାବାଲ୍ ଇଶ୍ୱରତେ ମୁନେ ସଡ଼୍ ନୁ ପବିତ୍ର ଆସ୍ ନିର୍ଦ୍ଦୋଷ୍
 ମାଡ଼ତିଡ଼୍ ।

୪

ଇଶ୍ୱରତେ କଣ୍ଟେତେ ସାୟେଡ଼ ଜିଞ୍ଜୁନ୍

୧ ଆଦେଲେକାମ୍ ଦାଦାନତି ନୁ ଏଲ୍ୟାସ୍, ଇଶ୍ବରତିଙ୍କ ଶାନ୍ତି ମାଡାନ ସେଙ୍ଗେ ବେଦ୍ଲେକାମ୍ ବାଦ୍‌କାନଙ୍କ ଆଦତେ, ଆଦ୍ ମାୟାଗାଙ୍କ ଶିକ୍ଷା ମାଡିମିନ୍ଦେଣ୍ । ଆଦେଲେକାମ୍ ମୀଡ୍ ବାଦ୍‌କ ଝାଡୁଡିଡ୍, ବାତେଙ୍କ ଇଡ୍‌କେ ହିଗାଙ୍କ ବାତେଏ ଅଦିକ୍ ମାଡାନଙ୍କ ମିକିଂଙ୍କ ମାମ୍‌ମେ ହିଞ୍ଜେ ପ୍ରବୁ ଜିସୁନ୍ ପେଦେରତେ ବିନତି ବା ସାରେଦା ମାଡୁଡୁମ୍ ।

୨ ବାତେଙ୍କ ଇଡ୍‌କେ ପ୍ରବୁ ଜିସୁନାଗାଙ୍କ ଅଦିକାର୍ ପାଏମ୍ ଆସ୍ ମିକିଂଙ୍କ ବେନ୍‌ସାରେ ଆଦେଣ୍ କେସ୍‌ମାଡ୍‌ତମ୍, ଆଦ୍ ମିଡ୍ ପୁଡ୍‌ତିଡ୍ ।

୩ ମିଡ୍ ବେଲ୍‌ବା ପବିତ୍ର ଜିଝା ଆୟ୍‌ମୁର୍, ଇଶ୍ବରତେ ଇଞ୍ଜା, ମିଡ୍ ବେଲ୍‌ନ୍ ବା ଯୌନ ଲାଲ୍‌ସା ତାଗାଙ୍କ ଦୁରାମ୍ ମାନ୍‌ବ୍ ।

୪ ବେନଡ୍ ପର୍‌ମେଶ୍ବରତିଙ୍କ ପୁନଡ୍, ଅଡ୍ ନିଜେଡ୍ ମେନ୍‌ଲୁତିଙ୍କ ହିଦ୍‌ଲେକାମ୍ ବ୍ୟବହାର୍ ମାଡିତଡ୍ ।

୫ ଇଶ୍ବରତିଙ୍କ ପୁନ୍‌ଝେମାନ୍‌ନ୍ ଅଣିଯିହୁଦୀ ନାରୁଡ୍, ଲେକାମ୍ ସାରେତଡ୍ ନିଜେ ନିଜେଡ୍ ମୁତେନ୍ ତଡ୍ ବେଲ୍‌ନ୍ ଯୌନ ଲାଲ୍‌ସା ଆୟ୍‌ୟକଟ୍ ପବିତ୍ର ନୁ ସମ୍ମାନତଡ୍ ବାଦ୍‌କାନଡାଦ୍ ସାୟେ, ଆଦ୍ ମିକିଂଙ୍କ ପୁନ୍‌ହେ ଝେଇଡିଡ୍ ।

୬ ବେନ୍ କ୍ରିଷ୍ଟିୟାନ୍ ବିଶ୍ବାସୀ ଦାଦାନ୍ ସେଙ୍ଗେ କାରାପ୍ କାମ୍ ମାଡ୍‌ମାର୍, ବା ଅଂକିଙ୍କ ପାୟ୍‌ମାର୍, ଇଦ୍ ଗର୍ ମାମ୍‌ମେ ମୁନେଙ୍କ କେସ୍‌ମିନ୍ତେମ୍ ନୁ ତୁଟାଙ୍‌ତେ ସାବ୍‌ଦାନ୍ ମାଡିଡ୍‌ତମ୍ ଜେ, ବେନଡ୍ ଆଦ୍‌ଲେକାମ୍ ମାଡିତଡ୍, ପ୍ରବୁ ଅଡ୍‌କିଂଙ୍କ ଦଣ୍ଡ ହିଦ୍‌ତନ୍ ।

୭ ଇଶ୍ବର ମାନ୍ ଅଶ୍ବୁତି ବାଦ୍‌କାନ୍ ସେଙ୍ଗେ କାର୍‌ଜାମାଦ୍ ମାଡନ୍, ବାତେଙ୍କ ଇଡ୍‌କେ ପବିତ୍ର ଜିଝାତେ ଆଗେ ମାନ୍‌ନ୍ ସେଙ୍ଗେ ମାନ୍‌ଡାଡ୍ ଝାଡୁଡାଡ୍ ।

୮ ଆଦିଙ୍କ ବେନ୍ ମାୟାଦ୍ ଇଦ୍ ଶିକ୍ଷାତିଙ୍କ ଗ୍ରହନ୍ ମାଡନ୍, ଅଣ୍ଡ ନାରୁଙ୍କ ପବିତ୍ରଆମ୍ ଦାନ୍ ମାଡିମାନ୍‌ନ୍ ଇଶ୍ବରତିଙ୍କ ଅବମାନନା ମାଡିତନ୍ ।

୯ ସାରରେ କ୍ରିଷ୍ଟ ବିଶ୍ବାସୀଡ୍ ମିୟାଦ୍ ପ୍ରେମ ମାଡାନ୍ ବିଷୟତେ ମାମ୍‌ମେ ମେଣ୍ଡେ ଅଦିକ୍ ଲେକାନଙ୍କ ଦର୍‌କାର୍ ଲଲ୍‌ଲେ । ନିଜେ ନିଜେଡ୍ ଲୋପେ ବେଲ୍‌ନ୍ ପ୍ରେମ ମାଡାନ୍‌ଡାଦ୍ ସାୟେ, ଆଦ୍ ନିଜେ ଇଶ୍ବର ତାଗାଙ୍କ ଶିକ୍ଷା ମାଡିମିନ୍ଦେମ୍ ।

୧୦ ସାରେ ମାସିଦୋନିଆତେ ବିଶ୍ବାସୀଡ୍, ସେଙ୍ଗେ ମିଡ୍,

ଆଦେଲେକାମ୍ ବ୍ୟବହାର ମାଡ଼ିତ । ଆଦିଙ୍କ ଅଦିକ୍ ମାଡ଼ତେ ମାଡ଼ାଟ୍, ମିକିଂଙ୍କ ମାଡ଼ର ଇସରେ ବିନତି ମାଡ଼ତୁମ୍ ।

୧୧ ମୁନେନ୍ ବେଲା କେସମାଡ଼ତମ୍, ଶାନ୍ତିତେ ଜିହ୍ୱା ବାଦକିତାଡ଼, ନିଜେଡ଼ ପାଡ଼ିତାଗ୍ ମାନ୍ ଇଦତାଡ଼, ନୁ ନିଜେଡ଼ ନିଜେଡ଼ ଜିବିକା ଉପାଜନା ମାଡ଼ାନାଦ୍ ମିୟାଦ୍ ଲକ୍ଷ ଆୟି ।

୧୨ ବେଦଲେକାମ୍ ବାଇଦେଡ଼ ନାରୁଡ଼, ସେଙ୍ଗେ ମିଡ଼, ସାୟେ ଆୟମୁଟ୍, ମେଣ୍ଡେ ମିୟାଦ୍ ବାଡ଼ତେବା ଅବାବ୍ ଆୟୟ ।

ପ୍ରବୁନ୍ ଝାଦାନାଦ୍

୧୩ ହୋ ଦାଦାନଡ଼ି ନୁ ଏଲାୟ୍, ଝେରେ ନାରିଡ଼ତେ ବିଷୟତେ ଅଣ୍ଡୟ ନିଜାତେ ଗଟ୍ ମିକିଂଙ୍କ କେତାନଙ୍କ ଇଚ୍ଛା ମାଡ଼ତୁମ୍ । ଆଲେକେ, ମିଡ଼, ବାଗାତଡ଼, ଲେକାମ୍ ଆସ୍ତେ ନାରିଡ଼, ଲେକାମ୍ ଶୋକାକୁଲ ଆୟମାଟ୍ ।

୧୪ ବେଲାନ କି ମାମ୍ମେ ବିଶ୍ୱାସ୍ ମାଡ଼ିକାଡ଼, ଯେ ଜିସୁ ତଲିମିକା ମେଣ୍ଡେ ତେଦତନ୍, ଆଦିଙ୍କ ମାନାଡ଼, ଲେକାମ୍ ଗାଟି ବିଶ୍ୱାସ୍ତେ, ଜିସୁନାଗ୍ ବିଶ୍ୱାସ୍ ମାଡ଼ି ବେନଡ଼, ତଲିତଡ଼, ଜିସୁ ମେଣ୍ଡେ ଝାଦାନ ଝେଲେ ଇଶ୍ୱର ଅଡ଼କିଂଙ୍କ ଜିସୁନ୍ ତଡ଼ ଆଦତଡ଼ ।

୧୫ ☆ମାମ୍ମେ ଇଞ୍ଜେ ମିକିଂଙ୍କ ବେନ୍ ଶିକ୍ଷା ଇଦୁତମ୍, ଆଦ୍ ପ୍ରବୁନ୍ ଶିକ୍ଷା । ପ୍ରବୁନ୍ ଝାଦାନ ସମୟତେ ମାମ୍ମେ ବେନଡ଼, ଜିହ୍ୱାନ୍ ମାନ୍ତମ୍, ମୁନେଙ୍କ କିଞ୍ଜି ଝେରେନାରୁଡ଼, ପାକ୍ ଆସ୍ମାନ୍ ନାରୁଡ଼ ଆଗାଙ୍କ ମୁନେ ଆସ୍ ଆନମା ।

୧୬ ଆସୁଙ୍କ ପ୍ରବୁ ଗଟ୍ ହିଦତନ୍ ମୁକ୍ୟଦୁଡ଼ତେ ଲେଙ୍ଗ୍ ନୁ ଇଶ୍ୱରତେ ମୟିର୍ ଲେଙ୍ଗ୍ତେ ଆଦ୍ ସ୍ୱର୍ଗଦୁଡ଼ ଡିଗିତା, ବେନଡ଼, କ୍ରିଷ୍ଟନାଗେ ମାଞ୍ଜି ତଲିମାନତଡ଼, ଅଡ଼ ମୁନେ ତେଦିତଡ଼ ।

୧୭ ତାନ୍ ପେରକେ ବେନଡ଼, ଆଦ୍ ସମୟତେ ଜିହ୍ୱାନ୍ ମାନ୍ତମ୍, ମାବତାଗ୍ ଅଡ଼ତଡ଼, ଉଡ଼ତାପିତ ଆସ୍ ମୟଲ୍ତାଗ୍ ପ୍ରବୁନ୍ତଡ଼, ସାକ୍ଷାଡ଼ ମାଡ଼ିତମ୍ । ତାନ୍ ପେରକେ ମାମ୍ମେ ସାରେଦିନାମ୍ ପ୍ରବୁନ୍ତଡ଼, ମାନ୍ତମ୍ ।

୧୮ ଇହ୍ୱା ସାରେ ଗଟି କେଞ୍ଜିସ୍ତି ମିଡ଼, ଆନ୍ତେ ନିଜେ ନିଜେତିଙ୍କ୍ ସାରଦେ ଆୟମୁଟ୍ ।



ପ୍ରବୁ ଖାଦାନାଦ୍ ଦିନାମ୍

୧ ହୋ ଦାଦାନତି ନୁ ଏଲାୟ୍, ଇଦ୍ ମିଇ ବିଷୟ୍ ବେସୁଙ୍କ୍ ନୁ ବେନ୍ ପରିସ୍ଥିତେ ଗଟେମ୍ ଆଦତେ, ଆଦ୍ ବିଷୟ୍ରେ ମିଇ ପାକେ ବାତେଏ ଚିଟି ଲେକାନାଲ୍ଦ୍ ଦରକାଡ୍ ଇଲ୍ଲେ,

୨ ☆ବାତେଙ୍କ୍ ଇଡ୍ କେ ନାରକେତେ ନାନେ ତଙ୍ଗାଲ୍ ଖାଦାନ ଲେକାମ୍ ପ୍ରବୁନ୍ ଦିନାମ୍ ଖାଦତେ, ହିଦ୍ ମିଡ୍ ଲେକେଡ୍ ପୁଡ୍ ତିଡ୍ ।

୩ “ବେସୁଙ୍କ୍ ନାରୁଡ୍ ଶାନ୍ତି ନୁ ନିରାପଦ୍,” ଇଞ୍ଜ କେସମାନତଡ୍, ଆସୁଙ୍କ୍ ତଙ୍କେଡ୍ରେ ମାନ୍ଦାନ ନାଟାଡ୍ ନପ୍ରେ ଖେଲେ ହଟାଡ୍ ଆଞ୍ଜ ତେରାନାଦ୍ ମାନ୍ତେ, ମେଣ୍ଡେ ଆଞ୍ଜ ବେନ୍ ଲେକାମ୍ ମିକା ଗେଲ୍ ସ୍ଥାନଙ୍କ୍ ଆୟ୍ଯ ।

୪ ଦାଦାନତି ନୁ ଏଲାୟ୍, ମିଡ୍ ଇକାଡ୍ ତାଗ୍ ମାନ୍ଡିଡ୍, ଆଦ୍ ଦିନାମ୍ ମିଇୟାଗେ ଦାଦରେଲାନ ଲେକାମ୍ ନାନେ ତଙ୍ଗାନ୍ ଲେକାମ୍ ଖାସ୍ ଏଞ୍ଜ ।

୫ ମିଡ୍ ସାରେ ଖେସ୍ ନୁ ଖେସ୍ରେ ପିଲାନତି । ମାମ୍ମେ ନାରକେଡ୍ ବା ହିକାଡ୍ ତାଗ୍ ମାନ୍ଡିମ୍ ।

୬ ଆଦିଙ୍କ୍ ମାନାଡ୍ ବାଗାତଡ୍ ଲେକାମ୍ ଉସ୍ କାତେ ମାନ୍ଡେ କେପି ନୁ ସେଡ୍ରେ ମାନ୍ଦିକାଡାଡ୍ ।

୭ ନାରୁଡ୍ ନାରକେଡ୍ ଉସ୍ କାଡ୍ ଉଞ୍ଜିତଡ୍; ନାରକେଡ୍ ଅଡ୍ କାଲ୍ ଉଞ୍ଜ୍ ମାଡ୍ ଖାରି ଆଦ୍ ତଡ୍ ।

୮ ☆ବାତେଙ୍କ୍ ଇଡ୍ କେ ମାନାଡ୍ ଖେସ୍ରେ ପିଲା ହାଇନାଙ୍କ୍ ସାରେଦାମ୍ ସେତେ ମାନ୍ତାଡ୍ । ଖାଡାଟ୍, ବିଶ୍ବାସ୍ ନୁ ପ୍ରେମ୍ରେ ତକାସିଲେ କେର୍ଦିକାଡ୍ ନୁ ପରିତ୍ରାଣତେ ଆଗେ ଲେକାମ୍ ସହଜ୍ ତାଲେତାଗ୍ ଖାଟିକାଡାଟ୍ ।

୯ ଇଶ୍ବର୍ ମାନ୍ ଅନ୍ କପାମ୍ରେ ନାରୁଡ୍ ଆଦାନଙ୍କ୍ ହେଞ୍ଜନ୍; ପ୍ରବୁ ଜିସୁ କ୍ରିଷ୍ଟନ୍ ନାଡ୍ମେ ମାନ୍ ପରିତ୍ରାଣ୍ ମାଡ୍ ତନ୍ ସେଙ୍ଗେ ତିଆର୍ ମାଡ୍ ତଣ୍ ।

୧୦ କ୍ରିଷ୍ଟନାଦ୍ ମେଣ୍ଡନ୍ଦାମ୍ ଖାଦାନ ସମୟ୍ରେ ମାମ୍ମେ ଇଦ୍ ଜିସୁରେ ମାନ୍ତମ୍ ବା ମାନମ୍, ଅନ୍ ତଡ୍ ବେଲାନ କାୟ୍ଲି ମିକା ମାନ୍ତମ୍, ଆଦିନ୍ ସେଙ୍ଗେ ଅଣ୍ ମାନ୍ ସେଙ୍ଗେ ଡଲ୍ ତଣ୍ ।

୧୧ ଆଦିଙ୍କ ଇଚ୍ଛା ବେଦଲେକାମ୍ ମାଡ଼ୁଥିବ, ଚିକ୍ ଆଦେଲେକାମ୍ ନିଜେ ନିଜେ ଲୋପେ ଉତ୍ତାପତ୍ ମାଡ଼ାବ, ମେଣ୍ଟେ ନାରୁଡ଼ିଙ୍କିଙ୍କ ସାହାଯ୍ୟ ମାଡ଼ାବ ।

ଶେଷ ପରାମର୍ଶ ନୁ ଆଶିଷ

୧୨ ହୋ ଦାଦାନତି ନୁ ଏଲ୍ଲାସ୍, ମାମ୍ମେ ମିକିଙ୍କ ଅନୁରଦ୍ ମାଡ଼ୁତୁମ୍, ବେନଡ଼ ମିଇ ସେଙ୍ଗେ କଷ୍ଟ ଅଦୁତଡ଼ ନୁ ପ୍ରବୁନ୍ ସେବାତେ ମିଇ ନେତାନ୍ ଲେକାମ୍ ଆସ୍ ମିକିଙ୍କ ଚେତନା ହିଦତନ୍, ଅଡ଼ିକିଙ୍କ ମିଡ଼ ସମ୍ମାନ ମାଡ଼ାବ ।

୧୩ ଅଡ଼ାଦ୍ ପାଡ଼ିୟିଦେ ସେଙ୍ଗେ ମିଡ଼ ପ୍ରେମତେ ଲେକାମ୍ ଆଦର୍ ମାଡ଼ାବ । ନିଜେ ନିଜେତ୍ ସାଙ୍ଗତେ ଲେକେତ୍ ମାନୁବ ।

୧୪ ଦାଦାନତି ନୁ ଏଲ୍ଲାସ୍, ମିକିଙ୍କ ମାୟାଦ୍ ଅନୁରଦ୍; ଦୁଷ୍ଟନତକ୍ ସତର୍କ ମାଡ଼ାବ, ଖେରତେ ନଡ଼କ୍ ଉତ୍ତାପତ୍ ମାଡ଼ାବ, ଦୁର୍ବଲ ନାରୁଡ଼ିଙ୍କ ସାହାଯ୍ୟ ମାଡ଼ାବ ନୁ ସାରେତଡ଼ ସେଙ୍ଗେ ଗାଡ଼ସ୍ ଆୟ୍ମୁବ ।

୧୫ ବେନ ବେନନାଦ୍ କାରାପ୍ ସେଙ୍ଗେ କାରାପ୍ ମାଡ଼ମାବ, ମାଡ଼ର୍ ମିଡ଼ ସାରେଦାମ୍ ନିଜେ ନିଜେତ୍ ନୁ ସାରେତଡ଼ ସେଙ୍ଗେ ସାୟେ ପାଡ଼ିୟି ଆୟ୍ମୁବ ।

୧୬ ସାରେଦାମ୍ ଖେଡ଼କ୍ ମାଡ଼ାବ ।

୧୭ ବେସୁଙ୍କ ବା ପ୍ରାର୍ଥନା ମାଡ଼ାନାଦ୍ ଖିଡ଼ସ୍ମାବ ।

୧୮ ସାରେ ସମୟତେ ଦନ୍ୟବାଦ୍ ହିମୁବ ମେଣ୍ଟେ ସାରରେ ବିଷୟତେ ଦନ୍ୟବାଦ୍ ଇମୁବ । ଇଦ୍ ଇଶ୍ବର ଇଚ୍ଛା ଜେ କ୍ରିଷ୍ଟ ଜିସୁନ୍ତଡ଼ ବାଦକାବ ।

୧୯ ବେସୁଙ୍କବା ପବିତ୍ର ଆମ୍ବାତେ ବିରୁଦ୍ତେ ବାଦା ମାଡ଼ମାବ ।

୨୦ ଇଶ୍ବରତେ କାରୁରତିଙ୍କ ଆଙ୍ଗଡ଼ାମ୍ ହିଞ୍ଜ ଆଲ୍‌ସ୍ମାବ ।

୨୧ ସାରେତଡ଼ ଗୋଟିଙ୍କ ପରିକ୍ଷା ମାଡ଼ାବ, ବାଡ଼ ସଡ଼, ଆଦିଙ୍କ ହେର୍କାନେହେସ୍ ମାନୁବ,

୨୨ ସାରେ ଲେକେତ୍ କାରାପ୍ ପାଡ଼ିୟିତାଗାଙ୍କ ଯେକାମାନୁବ ।

୨୩ ବେନ୍ ଇଶ୍ବର ମାନ୍ ଶାନ୍ତିତେ ନେହେଡ଼ିଡ଼, ଅଣ୍ଟ ମାନ୍ ସାରେଦିନାଡ଼ ସେଙ୍ଗେ ପବିତ୍ର ମାଡ଼ିତନ୍ ନୁ ସାରେଦିନାମ୍ ମାନାଡ଼ ଅନ୍ ତଡ଼ ମାନ୍ତାଡ଼, ମାନାଡ଼ ପ୍ରାର୍ଥନା ମାଡ଼ିକାଡ଼ ଯେ, ପ୍ରବୁ ଜିସୁ କ୍ରିଷ୍ଟ

ଖାଦାନ ଦିନ୍ ମିୟାଦ୍ ଆମ୍ଭା, ଜିଞ୍ଜୁନ୍, ମେୟୁଲ୍ ସାରେତିଙ୍କ ନିର୍ଦ୍ଦୋଷ୍ ମାଡ଼ି ନେଃଏମ୍ବୁର୍ ।

^{୨୪} ବେନ ମିକିଂଙ୍କ କାରଙ୍ଗିତଣ୍ ବା ହେଞ୍ଜିମିନ୍ଦେଣ୍, ଅଣ୍ ବିଶ୍ୱାସ୍; ଅଣ୍ ଆଦମିକା ସାରେ ମାଡ଼ିତନ୍ ।

^{୨୫} ହୋ ଦାଦାନଡ଼ି ନୁ ଏଲ୍ଲାସ୍, ମା ସେଙ୍ଗେ ମିକା ପ୍ରାର୍ଥନା ମାଡ଼ାଟ୍ ।

^{୨୬} ସାରେତଡ଼୍ ଦାଦାନଡ଼ି କ୍ରିଷ୍ଟିୟାନ୍ ପ୍ରେମତଡ଼୍ ନମସ୍କାର୍ ମାଡ଼ାଟ୍ ।

^{୨୭} ସାରେତଡ଼୍ ଦାଦାନଡ଼୍ ପାକେ ହିଦ୍ ଚିଟି କାର୍ତାନଙ୍କ ସେଙ୍ଗେ ନାନ୍ ପ୍ରବୁନ୍ ଅଦିକାରତେ ମିକିଂଙ୍କ ଅନୁରଦ୍ ମାଡ଼ୁଆନ୍ ।

^{୨୮} ପ୍ରବୁ ଜିସୁ କ୍ରିଷ୍ଟନ୍ ଅନୁଗ୍ରହ ସାରେତଡ଼୍ ସେଙ୍ଗେ ସହବର୍ତ୍ ଆୟି । ଆମେନ୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae